

# Quest onn cun «Acavoce»

Saira da beneficenza «Argomente»

■ (anr/gns) En in mais envida l'institu-  
ziun Argo danovamain ad ina saira da  
beneficenza. Lieu ha quella sco gia l'onn  
passà en l'Auditorium da la Banca chan-  
tunala. L'entrada cun tschaina e diverti-  
ment custa 180 francs per persuna. Già

per la 7. giada organisescha l'institu-  
ziun Argo ina saira cun bunas tratgas, cun chant  
e musica e cun anc bleras autras purschi-  
das. Tar quella occurrenza sa mussan adina  
bleras persunas da lur vart generusa, va  
l'entrada da 180 francs, che mintgin paja,  
en favur da l'Argo che occupa radund  
400 persunas cun impediments spiertals e  
corporals. Il retgav da quella saira da gala  
va en il fondo d'activitads da temp liber  
dals cussadents e da las cussadentas da l'Ar-  
go. Per quels è il temp liber er da gronda  
valur, dentant mancan savens ils meds fi-  
nanziars per activitads sco sport, vacanzas  
ed autras occurrenzas da tut gener. Grazia  
al retgav da la saira da beneficenza han ina  
rotscha persunas impedidas la pussaivla-  
dad da passentar intgins dis en cumpagnia  
senza avair quitads. Sco *Rudi Hältner*, il  
mainagestiu da l'Argo, ha ditg saja  
strusch pussaivel da finanziar las activitads



«Acavoce» è da la partida da la saira da gala Argomente en in mais a Cuira en l'Auditorium da la Banca chantunala.

MAD

dal temp liber be cun las prestaziuns sup-  
plementaras che mintga persuna impedida  
retira mintga mais. La saira da gala 2012  
ha lieu ils 2 da november en l'Auditorium  
da la Banca chantunala. Annunziat è rese-  
vaziuns en pussaivlas per telefon 081 257  
10 00 ubain online sut l'adressa: [www.ar-  
go-gr.ch](http://www.ar-<br/>go-gr.ch).

## Ina furmaziun enconuscenta

Er quest onn vegn l'occurrenza sustegnida  
ferm da l'interpresa «Würth Itensis», Cuira,  
che sa mussa adina fitg toleranta envers  
ils organisaturs. Per divertiment procura  
quest onn cun il sextet vocal «Acavoce»  
ina furmaziun grischuna che ha ils ultims  
onn sa fatg in num er sin champ nazi-  
unal. La furmaziun cun duas dunnas e trais  
umens chanta en diversas linguas, chan-  
zuns en stil da diversa direcziun. La fur-  
maziun exista dapi il 1998 e la furmaziun  
actuala datti dapi il 2011. «Acavoce» è  
da sentir adina puspè en il radio e da vesair  
è la furmaziun er adina puspè en la televi-  
siun. Per ils visitaders d'Argomente segir  
in vair deletg da sentir per intginas uras  
quel sextet vocal grischun live.